

皇清文穎續編

皇清文頌續編卷二十五

頌

皇太后七旬萬壽頌

謹序

彭紹觀

皇帝御極之二十有六年冬十有一月恭逢

聖母皇太后七旬萬壽

皇帝愛敬性成通於神明光於四海先期戒禮官展

案錯事詳具儀典

皇帝躬率王公百官詣

慈寧宮行禮推

恩錫類覃施天下海隅日出罔不慶洽

臣世被

恩榮忝列詞館伏覩

皇帝以至德要道順天下興事創制無所不施內安

函夏外輯夷裔奮揚威武恢廓宇宙聿彰

懿教垂則萬禩是用鋪聞載籍形容詠歌以昭

帝德巍巍之大以闡

聖母萬萬年景命之符焉

臣

謹按孝經孔子曰愛敬

盡於事親而德教加於百姓天子之孝也

皇帝敬奉

璇闈順意承志怡怡愉愉天日昭融闕睢麟趾雍睦

仁厚

宮庭懋德式訓家邦至愛至敬該洽寓內成周太和
之隆再見今日漢唐以來蓋無足比至於體國
經野愛民如子仁漸義摩淪肌浹髓天下蒼生
于于喁喁歌思

帝力恭屆

慈寧大慶黃髮胡耆莫不延頸企踵思欲拜舞

闕下此其德教所及沉潛奧區洋溢遐壤所謂得

萬國之歡心而兆民賴之者歟臣又按說苑引

夫子之言曰孝成於內而嘉號布於外是謂建

之於本而榮華自茂又曾子曰夫孝置之而塞

乎天地溥之而橫乎四海詩云自西自東自南

自北無思不服此之謂也夫嘉號者天下臣民

之心也

天子至德臣民思媚茲之義著章榮之辭推本

聖德所自思齊之詩由是作也欽惟

聖母皇太后坤貞安吉德應無疆

天畀單厚鍾祥集祉

皇帝崇庥介福恭上

徽號精璵華玉丕照萬古尊養之極天人交孚上下

相發協氣旁流一草之榮一木之華咸自揚奮

此所謂嘉號布聞而榮華自茂者也

皇帝天造神斷克平西域關門而外拓地二萬餘里
采薇杖杜方茲爲禩夫廣地定功大業也續繼
隆緒至仁也秩邇懷遠盛德也紹

天創建垂統萬世夷酋回部厥角稽首回面內嚮無
思不服其謂是歟則夫四方無拂五戎不距

聖母垂裕之慶孰有大焉先是歲二月

皇帝恭侍

安輿歷乎清涼之山瞻曩殊之場神壇望

幸紺宇增色凝禧祝嘏靈山比崇晉書天文志曰王者至孝神祇咸喜則天下和平此之爲符也不亦休乎臣又按王充論衡曰聖人稟和氣氣和爲治平故太平之世多長壽

皇帝行慶推澤儲材樂育登選俊造懋賞施仁湛恩汪濊嘉與天下同壽眉梨耄齡濟濟廟廟履道尚齒之儔奔走詣

闕爰

命繪圖

宸章煥采合三壽之數二千餘歲申祝

慈祐所謂氣和而多壽於斯爲至若夫毛宗羽族采

鱗皓質諸福之物曷以加焉唐哉皇哉焜耀無

極者已臣不揆蕪陋謹撰頌九章竊效天保九

如之義頌曰

天佑

文母攸介繁祉景命維僕篤生

聖子

懿德昭明芾祿萃止曼壽無疆川至聿始歲紀重光

月正周首

叶

皇矣

聖節百福濟濟黃鍾肇萌萬物度理經緯五行彪列
煥采我

皇上

壽

文母樂愷既燕既祝與天地久

叶一章

天子尊

親百禮具陳嶽祇修貢川靈効珍瑤筐既列介雅在
縣崇牙業業金石淵淵

大安斯御風和日暄入爵九華袞翟繽緡

天子盛服黼黻被躬

叶

九拜翼翼表奏頌言

皇帝懋敬惟德之純惟德之純繫四方之訓

二章

於鑠

鴻號顯懿無窮邁源軼妙莫之比崇維

皇濬哲乾坤肖容敬宣

徽音協於民心

叶

金冊煌煌晉奉

璇宮

皇顏愉愉尊養兼隆齋芝茂日厨蒲扇風五雲紉纓

六幕昭融休嘉殫溢

聖敬有徵

叶

孝治光明式孚萬邦

二章

彼逖西土

皇奮其武既柔既疊爰廓我宇
我我祁連環帶諸部
暨於天方無有遐阻安西既營
伊犁庭戶教之樹檜

遺秉藉筮

叶

皇謨其訏介福

王母

叶

織皮在御闕玉飾簠

慈顏孔怡天地揚詡西戎率從
烏獸蹈舞

四章

鳳飛翩翩翔於德輝我

皇燕喜百祿是推爰推爰暨譽髦斯躋或賓於禋或
策於墀沉浮咸載文武攸宜登我王路光我邦基
聖母錫祉維艾維耆眉壽作人多士祁祁嘉魚是汕
甘瓠是饗

一人有慶萬物由儀

五章

奕奕崇山峙於晉域綿界盤趾靜者是宅幅員溥長
天覆無極遼彼臺懷曾不踰闕

上帝錫嘏百神順職

皇奉

安輿

聖母馘穀

叶

嘉祥阜臻聿懷多福

叶

六駮孔閑交絡

羽翟乾坤並况桐生豫適

皇仁如春百姓徧德

六章

皤皤黃髮上瑞之徵兒齒禿眉黼黻丹青伊昔九老
林泉嚶鳴倡子和汝聿求友聲維

皇集慶作歌載廣盈庭峩峩三壽作朋紆組曳綬耆

碩參并履道溲游莫之與京期頤肇啟方至惟增

聖母萬年景祚昌明

七章

庭燎揚光羣集維彥執圭贊幣式蹈且抃諸夏協和
百蠻賚獻珎琚鏗鏘翟菲贊見

慈顏豫順景物璀璨秩宗典禮雅樂和縵懸旂建旂
儀衛炳煥交衢率舞淑氣揚扇

皇敬維則海宇競勸備福惟五論年斯萬

八章

上帝有申命惠錫嘏是常自昔伊今亶遐福無方無

方之慶

懿德之彰

聖心日嚴益熾而昌鹿鳴和樂采芣奮揚天保福祿

華黍豐穰靡祥不應靡遠不同叶是應是同以介於

慈宮

叶

華平植圃朱草被唐

天階翼翼

皇奉瑤觴九章

聖駕三巡江浙頌

謹序

劉星燁

臣聞雲祇夙駕員靈呈九圃之圖乾曜象符泰
媪賚十華之券鈞旋轂轉肇定三辰相土居方
爰乘六幕歲逢單闕春皇升敷教之臺厯會良
維蒼帝御結元之輦登封岱頂轆龍馬於嘉壇
發軔峒山受螭虹之瑞牒河宗刻玉榮光降五
老之庭洛汭披圖緼瑟叶九招之瑄輶標駕龜
鼉之國載紀禹功梯航行日月之傍誕膺子錄

雙蚪扶轂會萬玉於鈞臺九雉儀輦禮百神於
喬嶽遐稽邃典六飛傳龍御之文近考祥書五
繇叶龜從之吉其有純熙錫類荒憬蒙庶草衣
木食之毗咸歌

帝力懸度繩行之域盡佇

宸遊遠古之初於今爲盛欽惟

皇上剡元馭錄則大陳樞紹峻德於

前寧璿樞配極慕

慈愉於永日

金卮承歡黃斧握圖亮績穆清之宇青紘秉耒求寧
昧莫之垓汎普護而無私運陶輪於不宰雌裳
錦爛彩燭三霄夔鼓言傳聲聞萬里猶以蠅涓
蘄蕩難忘七起於宵衣魚頡鳥旰用慰一遊於
夏諺庶彙衍珠囊之潤槎葉覃津四溟仰璣鏡
之精幽假荷照途瀋興王之地蕭鬱升馨臺懷

佑

聖之區檀林贊佛修葺高掌聞萬壽於嵩雲曲蓋流
蘇訂六經於孔壁乾維坤絡兩驂兩服之間帝
驟皇馳四極四和之地矧夫瑤房砥室編於牛
斗之區銅井鹽田近在越揚之境瑤琨入貢羨
天府之殷昌海嶽駢精亞鳳城之巨麗曩自昭
陽之歲首駐

雲旂暨乎疆圉之春還鳴

葆佺福我壽我登跂喙於春臺風人兩人運胎萌

於

帝褒桐華再闢卜征申重巽之文瓠子初平咨岳下

轉圜之

詔時則

璇闈介祉繡句臚歡綿

聖籙於先辛書呈金鏡祝

慈暉於長至日永銅渾爰晉

黼闈敬熙

鴻號塗金篆簡琳琅流絢於丹騰渙汗絲言闐闐銜
芳於紫鳳泗濱拊石八音諧瑞鷺之鳴左蠡浮
鐘九乳協華鯨之奏花葩五色綵結恒春嶽瀆
萬靈圖陳難老藥宮額俊熙介祉於修文崑嶺

摩崖紀

嶽猷於大武酒泉供醴西垠疏葱嶺之源火微銷烽
北戒徹玉門之限魚鞞鱗醬同闐壁以泰琛菌
鵠統牛共宛駒而考牧闢花門之疆索計里二

萬而送嬰

護圃之春秋得歲八千以上更乃攝提善瑞太紫呈
祥跋烏揚若木之輝飛兔躍臯塗之秀珠聯晷
緯七辰環朱鳥之躔律應元辰三始獻黃輝之
錄占

帝車之次舍兆應時巡考天目之司方卜云祥習蒼
龍伏軛扶

玉軌以南行鑿象載瑜耀

金蠶而春省薊清紺席天田方覲土之初轂轉黃街
月地正試燈之候豐隆翊列川原黼藻之華大
丙陪趨警蹕風雲之氣貔貅按隊颺萬竈於周
廬角亢抒芒駕六提於壽域茅茨不飾雕幾捐
髹器之華鳧藻多歡曼衍屏尋橦之伎江魚竹

筭入

寶鼎而調芳漁唱農歌躋

彤墀而奏雅餘糧戒躡駢驂時輟於前驅供帳捐奢

繪粟悉攜於後乘瀛壖止輦披三輔而輦黃樞
岱畎靡旃輅二東而周綺甸黃駒用饗明禮日
主之祠繡紱重遊攷禮大庭之庫濁河清濟鬢
盛漲於淮黃夏穡秋稔蒔嘉生於烏鹵蜀岡萬
屋捐雕申命於司存京峴三山講武博陳夫軍
實蠡河滑笏檣舟玉局之亭浣沼澄泓試茗竹
爐之院虎山策馬銀灣七里之塘鄧尉探梅玉
海萬花之谷洲連茂苑圖罨畫於吳閶數日具

區競昌丰於葭澤鱸鄉列肆羹魚飯稻之區鶯
脰環溪淨淥香紅之地鴛湖濯楫牙檣過烟雨
之樓茗水回波錦織罩鳳凰之麓九螺起伏翠
繞吳山雌霓連蜷橋平聖水東西夾鏡標十景
於

乾文橫側成峯峙雙高於坎位松寥竹院化城麗金
碧之居桂宇蘭宮

仙仗下蓬瀛之殿濤頭春上鯨波震盪於靈宵月

面西來鷲嶺翹飛於乾竺探書禹穴山陰搜苑
委之竒薦幣龍堂海澨靜冰螭之舍揚舫春月
鶯啼草長之辰展

駕江埂虎踞龍蹲之境魚禽爵馬揚

鳳蓋於中天黼紱文章絢麇圖於陸海綵樹華林
之苑日麗重輪青溪元武之湖風移五兩珍臺
俯瞰霏法雨於天花翠堵下臨爛神燈於寶掌
鹿泉泳沫同有渙而含滋玉冠森鞋慶嘉名之

肇錫廣場撻鐸陳韎韜之軍容瑣院鏘金第纓
綏之嘉頌銀花火樹戲車呈南極之祥象管龍
笙羽摻列西池之奏黃蕤剡剡茁仙頴於堯衢
翠筵亭亭扇祥薰於舜饒千官萬品聯鷺序而
景

皇儀寸地尺天席蘿圖而膺

帝祉舩舩轉漕平滯鬻於窮簷淮海賜租普宴娛於
豐屋占風候日閩禺共交益紛馳吐氣含和儼

優與魁能並
驚商顏逸叟
攜鳩杖而獻
紫芝姑
射高真應鶴書
而徂黃竹華平
朱草繡毯鋪茵
稚齒韶年筠驂候

蹕玉雞騰翥知爲孝德之符
銀鹿趨趨識是祥和之
福靈臺偃伯參旗澄太紫之宮
清叻勤民畢罕
底帝青之籍銀毫批諾絡繹報章
銅箭伺晨琮
璜行漏龍賓癡翰襄太乙於詞峯
虎僕揮毫掣
天吳於碧海跂行踵息依斗極而扶輪
蠕動蠓

飛戴晨曦而挾纈是使八能亨運赤蛟鞏歷於

華胥十瑞延禧青鳥銜圖於蓋地

臣

吳中賤質

益部微星兩載望塵犬馬之依

聖主三霄捧日草木之遇陽春來遊來歌敬矢音於

匪頌以休以助敢效職於嗽詩頌曰

芒芒揚州星紀之次物產殷賑炳圖叶契景鏢

皇祖六巡駐蹕

叶

亭之育之無小無大

皇闡

靈繹葩瑤再蒞勗我寮宗煦我萌隸協氣旁魄習爽
津逮閱歲五稔神人咸覲詢於芻蕘謀及卜筮罔不
習吉肝飭以竢憬茲西垠我牽我馭析支渠搜面內
納贄廣輪式廓數萬以二元戈旣匱景福畢備惟

天佑

聖惟

聖毓

帝

萬壽作朋嘉禮斯萃兩儀完完五緯暨暨元符炳煥
以善靈瑞靈瑞既膏南土所覲俛我

后來以告置吏

皇曰徐之民方艱食糴缶爰貫特拈爰貸

申命守臣握粟以賜閱歲告豐黔首既富

叶

萬物熙

熙祈請益沸

皇曰俞哉譏可小憩行館弗誦供帳勿麥汝苦貴糴
寅粟汝遺汝職置頓帑鏹汝畀俟予春省將降大惠

厥明孟陬先戒

俞騎華鐘鏗鳴葆羽沛艾

慈輿夙駕

大駕爰發

叶

太馭掌較土方設榷百禮有壬萬靈幽

輶

叶

岱祇參乘川后鼓柁山花蘆蒨江雲蒼蔚金塘

駮駮玉泉溶瀾魚嶮烏髯男耕女織岳牧肅列烝徒
連蔭陰有鳴鶴阜有神驥有麥有桑有倉有積喧闐

城郭儼嘉都市

皇帝純孝

黼闈問視珠服玉饌海隅錫類

皇帝神武星弧月駟簫勺慝作奄有窮髮

叶

皇帝睿聖亮章顯懿

寶文深鍳輝山藻水之綱之紀

四目畢達

叶

洪惟

帝光達於晻昧旣醉旣飽百昌咸植洪惟

帝施達於跋盭

皇帝之德

聖母之自

聖齡萬萬迺更不翅

愛景舒長

春暉琴麗

帝齡萬萬非數可計豫順以動幡天際地天祿永釐
地靈克配馨烈彌懋六合清泰

聖駕三巡江浙頌

謹序

劉塘

臣聞日月之旋不頓其馭河海之流不息其瀾
聖人執契不弛其運在易之觀曰風行地上先
王以省方觀民設教巡守之舉爰以考治績達
民情也粵稽古制虞帝巡以五載夏殷因之周
乃以十二年於是乎有升中望祀之典陳詩納
賈之條協時正日同律修禮慶讓之事唐哉皇
哉所由來尙已欽惟

皇帝陛下奉

天經以緯化述

祖則而觀禮德湧於原泉仁浸潭於甘澍上天之
下下地之上懷生含識罔不抃悅而東南之宇
沐浴膏澤者逾渥十六年肇舉

南巡之典越六載復巡

車駕所臨乾坤清霽品彙昭蘇徯路焚香祈祝感動
歡呀洎今五載慕

德音而謳

帝澤者益嘔嘔款款翁翁如也乃者聲教西被版圖
擴二萬餘里漠庭月竊花門勢面之衆扶服蟻
伏請受纓縻於是七政薦符於天鐘簷效靈於
地航浸梯屋琛貢緝集卿士庶人莫不動容發
聲咨嗟盛美

天子乃穆乎改容退然遜謝曰此諸福之物允惟
上蒼之祐伊

聖母之福也於時南土守吏以輿望交章入

告旣躉奏及秋淮南水潦復

詔有司專意賑恤緩其議明年冬恭屆

皇太后七旬萬壽慶典皇商百禮具舉爰以二十七

年春正月諏吉祇奉

慈輿循莅南服蓋自我

聖祖六巡以來馨烈揚播塗歌巷誥我

皇紹之煌煌乎三五之道該而勤民之義備矣臣嘗

讀酌般時邁之篇見周家功德所存至于膚功
耆定百神懷柔雍容掄揚著於竹帛以逮車攻
吉日昭躋復古孔子錄之著爲經常伏惟

皇帝陛下繩

武展義道隆往古雅頌之興允在今日臣職列詞垣

榮膺

恩命得預掄才課士之任發抒文藻導揚

鴻業於職爲宜雖詞義蹇淺華實難副而傾向微忱

不能自已謹拜手稽首敬獻頌曰

帝降烝人惟

皇在宥迺振迺靈以函以覆

帝車象斗巡靖四守譬如春風歛扇萬有明有萌而

解有條而茂飲食畊鑿伊我

皇之授

皇曰烝哉茲予孺赤予惟不敢康以爲民辟維茲南
輿聿分星紀徐豫交蹠荆闔迺峙淮海惟揚循乎大

江震澤維浸會稽維障土田塗泥賦下上鎔畊淖芸
涿漁獵山鑿化居富中闐闐雜厝言烝其髦岐嶷文
學泰伯崇讓遺封攸託粵我

聖祖六巡莅止

湛恩靡洪淪浹屬委益如油雲溥如春海品物阜矣
聲實茂矣維

皇祖之德昭茲來許我

皇受之爰步爰矩維辛洎丁爰整其旅御於江滸禋

宗望祚奉璋薦醕肆觀羣牧慶賜咸舉出金如阜發
粟如土有龐者老挾纊以偃有蚩者昨含哺以舞有
烝者士斯髦斯譽

皇曰欽哉麥不可長磨不可角訓我兆庶厲俗返樸
蟋蟀雖褊先民有作自我

皇旋躡五辰遞迴衆心如敷望

君之來高高

天聽侯不邁哉迺

眷西顧行風雷濛濛月蝟王會開譯鞮匱牘獻責儲
八絃砥屬

皇圖恢春臺熙熙如醉如饅南土守臣咸以衆請顯
帝謂徐徐民或未豫淮湖霖潦偏禔攸佈顧茲窮黎
以撫以响百職庶司咸副朕慮譬小疾爲憂霍然以

瘳

天之方降釐委如山斂

天子之德

聖母維祺

聖母之故億萬靡有涯時維仲冬七旬肇甲旦軫正
中景緯炳列臚人肅唱太師拊節百禮旣洽

慈顏攸懌乃

命義和涓選休吉厥明孟陬莅此南國華鐘鏗鳴嚴
城啟鑰土方設極顏倫奉輅

慈輿啟行屬車繹絡橈旃星罕翟翬帟幕岳祗嶽業
川后矯躩乃頓七驥乃樹高檣乃由翕河乃沂江央

浮玉之山栖霞之峯鄧尉之岫館娃之宮我

皇莅止式燕孔從百辟左右

慈歡融融闔廬之郭金陵之原於越之壤漸江之津
我

皇莅止仁施洪延氤氳沕滴磅礴後先皇矣

至理登三咸五在晉有虞循戾南土二龍獻圖昭朕
皇古塗山嗣會厥惟神禹溟溟萬國玉帛殷聚

皇道同揆其靖其處詠

皇帝德溫恭允塞奉

皇太后五福斂錫蕩平厥道是遵是適詠

皇帝德立政無逸奉

皇太后救民保赤孰獻孰寒爰拊爰摩詠

皇帝德好是正直遐眎邇聽主善惟一奉

皇太后審官底績圖有華平階有屈軼詠

皇帝德顯明昭式東序西學陳俎講藝奉

皇太后作人豈樂有造有髦紀於四國簫羽百蠻東

西一尉詠

皇帝德貴本崇質蘊葆道初匪縉匪飾奉

皇太后居盈以約

天降康讓我宜黍麥無憲以霑無暘以暘詠

皇帝德頤養萬物泠泠而風杲杲而日奉

皇太后爲春爲兌淵物魚鮪林無翻獭於萬斯年熙

熙壽域臣拜稽首以揚

駿烈

聖駕四巡江浙頌

謹序

劉星煒

臣

聞十華賚券璿璣運保斗之車九圍臚驩金
鏐御簡雲之駕是以洹沙尚嶺載紀軒圖白馬
綠蛇詛迎堯日乾坤緯繡蒼牙升敷教之臺風
雨會和溫洛敞巡方之館元駒用享黃魚天乙
之壇玉斧員遊白澤岐陽之鼓用是萬靈仰鏡
七表宣風侯其禱而夏哉尚矣若乃仇峯毓聖
華胥神母之州璇渚翔英海浦皇娥之楫而成

姜嫄履武僅踐祿壇文母嗣徽長依京室黃姚
封濟未經西極流沙赤兌賜蠲止有南陽豐沛
遐稽前載尙陞崇規欽惟

皇上幾矩從心元苞在宥協八風於葭管律應朱囊
齊七政於銅渾功叅黃序山河兩戒馳章亥以
編程日月雙丸詔羲舒而受吏西母益疆之版
壤闢渠搜春王頒朔之書道通回紇蜚麟蜚鹿
七旬營觀羽之階乘馬乘龍四仲轉礪山之轍

歲習祥於薊易載薦含桃秋菽獲於興桓微猷
甫草臺懷讚佛霏法雨於青蓮遼瀋薦馨緬靈
根於朱果周情孔思韋編探繡紱之書東岱中
嵩策府閱銀繩之藏統牛菌鶴盡列造垌竹樹
葦蕭俱承甘露五鐘候呂青雲諧瑞鷺之鳴四
載行河翠水得遊鱸之篆爾乃考圖數貢阜昌
星紀之墟旁魄論都巨麗揚州之境粵

皇祖六巡之駕扁牖軒轅踰

聖人三至之期雲霓跂踵河宗赤鯉障九曲於經流
渤澥介鯨納三疊於中道矧乃衢謳巷祝共佇
慈航川媚山輝尤娛

愛景江鱗竹笋鮮腴調蕙脯之芳岸柳汀桃朱綠絢
斑衣之綵玉雞引吭曙震旦而知晨錦女揚輝
殷天南而不夜燈毬罕御納隍申重巽之文樅
桓捐雕咨岳下先庚之

詔爰諏吉卜重舉

時巡稽再闕於

帝梧候始青於

殿茨金瓊得歲乞漿符留熟之謠木德壽人納甲應
旃蒙之合四維天日會大角於東方七曜皇階
貞攝提於孟月初辛祈穀臨

紺席而燎爇樵蒸元夜傳柑列旃廬而技呈曼衍雲
祇夙駕八龍扶泰壹之宮華蓋鶖行萬騎躡豐
隆之轂各王搏頽行厨式燕於畿南置吏承

顏火戲弛懸於趙北瀛壖半東渚宮紅杏之園德水
澄波馳道綠楊之郭齊風表海鳳皇占媯帝之
孫岱畎催耕伯趙識金天之祖蒙山澹沱是興
小魯之思沂水晏溫深契在川之慕射陽曳練
泣叢桂於臯塗車邏環孟耀明璣於甍社通吳
抵蜀連岡榮香阜之臺跨固凌焦浮玉瞰搏桑
之島檣竿神鳥翫五兩而容與水府靈鼈戴二
神而帖妥蠡塘滑笏硯材留玉局之亭浣沼瀟

瀾茶白試竹爐之院遂乃踰錫嶺翫銅坑撫梅
梁經木瀆吼金精於蹲虎海湧高峯飛玉峽於
盤螺天成空谷棣通閩闔姑胥肇泰伯之封敕
召靈威岫巉辨禹王之字松陵濯鷁鄉號蓴鱸
練浦執蘭樓空烟雨女桑萬樹喜蠶市之春溫
夫柳十行聽鴛湖之夜雨名園傍海

肇錫安瀾傑閣依山

大書領要雙高三竺懸畫幃於中天麴院蘇堤啟鏡

三十一卷之三
三十一
三十一

奩於繡地孤山疎影探梅過君子之居慧麓懸
厓剔蘚辨家人之卦雲棲梵放循篠徑以幽探
胷母潮音候月華而盛漲天輪地軸長綃繫麟
鳳之洲陰火陽冰大響震鼃鼃之窟疇咨石坦
增環甃於三成經畫柴塘立排檣於萬礎功宏
事畢風舉雲搖

瞻京口以言旋撫濤頭而沿沂華陽西上收王氣於
三山建業春行掃繁氛於六代金陵瑞霽瑤琨

大帝之居元武明湖魚鳥咸池之圍青溪曲水
邀摩遂而拏音朱雀大桁架長虹而待渡辰旂
駐景江萍浮亂鳥之磯畢罕龍霄葩瑤下澗山
之麓伊尼噴玉流入德於神漿般若牽船度四
禪於初地蒼官偃蓋大千祇樹之林紫閣磨崖
丈六妙鬘之象地靈萃矣物華阜矣

皇帝乃禋黜犢於星源

詔黃蚪於聖瀆節宣高堰建餽弗注於靈虹醜剔洪

湖洩尾無虞於興寶庚辰鎖靜桃花渟駛箭之
流亥旣珠明蘅薄動容光之景拊泗濱之磬石
響逸岑華探淮海之蠙魚波恬大壑呂梁懸水
靜白石之雙拱彭楚鴻堤壓黃樓於五勝環城
沓嶂胎禽有飛放之亭遶郭叢臺驟耳得騰曠
之地博徵夏諺用釋

堯吁由是聽鶯羽於平林汎蘭暉於翠渚

繡閣侍寢河魴供沆瀣之筵

萱圃儀翟羽翟繪沙棠之柑麥苗被畝春粢餅餌之
香菜甲紐牙東咧瓜壺之秀媽紅媚紫熙

慈錄於芳韶驂篠扶鳩奏豐歌於

壽穀朱方闕景上元佩六丙之符青宙調司東戶獻
九寰之目猶乃

命倌覩土秉燎求衣品官多晝接之人封事有宵批
之諾萬幾信宿聽蹠躩於馱鈴七起勤勞置觚
稜於警枕若乃初諠中慮夔夷効奔奏之司營

史周南屈宋就輿臺之選賁

璇題於貞石方丈山行斲墨瀋於滄溟圓鑿水立元
黃色正九苞未儷於文明徵角音調八伯猶艱
於賡載四疊難安之韻地造天成萬言急就之
章句斟字酌卿雲舜藻華蟲粉米之裳蚪蚪羲
書古篆雷回之字高矣美矣唐哉皇哉然猶上
憲瑤光大張參伐公徒三萬吳刀瑩千莫之鋒
君子六千越水淬芙蓉之鏐槍楷舒角授天鏃

於元衣翡翠垂簪炫戎容於衲服攤稽擁鐸金
壇戒時雨之師息老劭農玉策區阪泉之筮用
以懷來屈浦震邊狼臙蓋地膺圖蟠天弗祿茨
椽賜直朱提頒駸裹之金玉饌流甘紅粟轉餘
艋之漕憫瞻雲於下邑半減算緡卹置頓於會
城全捐租入沮洳普放鳩旅雁於秋唵逋累停
催息靈彫之夜伏列中黃於環衛盡醉投醪來
綺皓於畝邱咸披賜續修平庀職康侯邀錫馬

之榮鋒灑宣勞未吏慶彈冠之喜槐階晉秩酬
稽古於桓榮桂譜舉芳期象賢於蘇頌第從臣
之奏賦計字酬縑采髦士之陳詩

臨軒釋褐黃頭擊汰稻梁速鷄鶩之羣碧荊園林羅
畢盡鴛鴦之網名山吉土索饗神人拒曾鰥鰥
書勲旗物三千禮樂含譽爲報德之星十五句
園太史告措形之瑞駢田陸海元氣爲舟汎濫
衢尊醴泉不斲東龍西虎寫岳瀆之圖經錦市

銅山裕春秋之補助三垣營室恆星憲太紫之
躔四極璇樞泰媪獻帝青之籍是宜垂之典誥
播以雅歌綿

峻烈於丹滕紀

康功於翠琬臣吟隨時鳥語媿夏蟲負午曝於時暄

希夕葵之就日翹瞻

御宿同在藻而願効臯趨跪捧

綸言睠維桑而率先獸舞生逢豫順長瞻風動於鵬

霄職在揄揚敬跋

天行於象載其辭曰

六羽行天雙蚪啟夏訾黃委轡山車夙駕日月棟振
江河池榭方載員燾神扶示迓

一章

乾樞拱北斗柄殷南滄溟大府嶽麓修簪軒藹霏蓋
舜酒流甘周闕甲

觀連襪丁男

二章

皇祖六巡我

皇四省匪肆於勤民則引領聽彼歛謠疇茲廬井依
阻希光伊瞻戴景 三章

皇遊匪徐人勞是恤勿翦蒿宮毋豐茨室華鑑徹懸
鈎陳弛蹕載構於車設尊於術 四章

康衢

帝豫仙館

慈怡堂堂麗景藹藹嘉師

鳳媚遊歌衆萬咸躋延洪

絳籙戢善蕃釐

五章

青鳥承旂蒼麟轉轂先日初辛

穹壇致恪瑞玉占年溫颺浮甲樹羽鳴鼉藻川輝岳
六章

隗童迎馬天孫擘雲齊風至道燕習多文墉連高廡
路罨濃薰吳觀越觀洙瀆泗瀆
七章

四瀛在壘三渠以醜海月候潮河龍供鯉夾鏡黃流
方舟翠水乾健坎行二儀一揆
八章

錦江南下玉岫中浮九龍蟠蜿萬笏雕鏤鸚啼草長

日暖風柔篠驂舊靚牙漿新謳

九章

揚舲駕浦鷓翬鳳麓嵐翠如螺湖容似沐駑陋錢王
峯朝乾竺道光九野功高萬玉

十章

三峯巖峩雙流滄漭鯢角城高彪精氣上金粉低顏
江山獻狀夜明珠華朝陽銀榜

十一章

珠旒視遠

瑩甍聽卑載

飭掌庾載

詔度支壓頭兩稻鴛綺飛絲樂彼絳年紓我

堯咨 十二章

振鷺充庭儀鸞翺野葭葦仁虞赭黃天馬禮則羅之
賢無遺者鼓瑟鼓琴如魚如雅 十三章

方望殿懸軍容韎鞞禮洽三千吉行五十五省其勤

六瑞爰輯奔奏雲雷胚輝動蟄 十四章

景星彪列

天文鴻綱墨瀋騰龍筆花飛鳳太紫芒高中黃律中

書探史頡贊窮游貢

十五章

九功九敘四極四和部簷樂愷蘭膳旨多

天顏惟穆

皇屬有那敬陳匪頌用矢遂歌

十六章

聖駕四巡江浙頌

謹序

李 綬

臣聞至德繼序參天運以裁規大聖握圖法日
輪而行健用能懷生浸潤暢垓泝埏敷醲化於
景運闡洪基於光宅若乃鼓舞盡神經理盡利
於以協平成之盛軌衛生民之化理事執一中
功規萬祀允宜緝熙厥典屢省乃成是以禹功
漸海聿新文命之敷周德翕河遂歌時邁之典
厥休所播自古爲昭蓋知者洞於所忽仁者警

於旣安觀成適以求寧善政期俾勿壞神而明
之績乃克底洪惟我

皇上握乾符履坤珍仰答三靈之蕃祉遠紹

列聖之丕緒萃九土之奉以事

親臚羣兆之歡以養

志孝治之隆載牒罕覩至於

受厚福浸黎蒸

重光怙冒恢崇而祇庸神聖之德隆矣疇載之功成

矣三五之業備矣言乎內治則

心鏡萬機儲思垂務寅亮洪業登假下襲之義洽欽
明尙古纘紹韶夏之道著惠鮮懷保協和辨章
之化溥夫府事惟修政本也官禮攸秩治源也
條科審著祥刑也師律允臧貞吉也猶乃

申錫無疆疊疊弗懈雖陰陽不能欺以氣雖幽微不
能遁以形故衆畏乎神人懷其教君子勤禮小
人盡力廉恥篤於鄉閭仁禮興於沃富道德以

一風俗以同言乎外治則九伐揚赫濯之

天威三捷樹顯燦之武節震聲日景靡遠弗屆陸贄
水慄無思不服回部一役列交間者數十城大
漠以西通戎索者二萬里玉門靖柝金河罷埃
汗馬西至靈鑿南貢含膏飲澤翺蠕並育占風
候月鵜鰈偕來嘉祥協瑞符升紀璧合於璇穹
現古鐘於大地海波不揚則南掌入告河清有
象則豫州獻徵揆所稱道罄天淵以爲量渺古

昔而論功至矣尙矣

皇上方且內咨臯益外詢方甫相與講邦治之淵源
覽皇王之步驟求大化之孚於旣遍思惠澤之
逮於無已興民之利啟之闢之去民之害攘之
剔之爰謂東南澤國河海巨流金堤竹鍵咸賴
節宣朝朝夕收亟資捍禦秋風瓠子負薪嘆其
何益銀濤白馬射弩唾其徒虛惟懷永圖有開
必繼彼夫鄭國鑿涇史起濬鄴田廬攸繫水利

所資用其私智小術猶且澤浹隅方繫茲羨溢
填淤咸歸利導萬世永賴焉此則事理較如

宵旰維靡者也矧者

時巡前屆擘畫既周矣增卑培薄仍舊址者繕固因
勢乘便創新基者利濟於是河伯恬然而安於
北隅海若帖爾而趨於東向閱歲而三厥有明
徵宏功旣懋大利永奠式典法以聿新用踵事
而增美酌天心安地紀雖逸勿逸雖休勿休鴻

謨偉烈曠代未有且夫年豐人樂邇又遐安

聖母皇太后弗祿純嘏單益多厚於以省方展義承
歡行慶揆諸天人洵克協順迺申舊憲明渙

大躡星陳天行寢威盛容歲在乙酉之春

重幸江浙於時乘

鑿輅駕

龍編土方爲之樹藩常伯爲之肅隊坎德効順波臣
懾服萬祥並臻風和景明展案錯事之臣章甫

縫掖之士鶡冠豹尾之班台背兒齒之伍無不
翹首跂足夾道前趨迎

安輿而獻祝望

屬車而拜稽厥被風濡化者誠和匪洽卓哉煌煌誠

應天順人

隆平之上則已臣仰承

恩命視學南服隸職西臺躬逢盛際心切欣躍欲憑
蕪陋之詞希效賡颺之例昔惠連作贊曾未及

於民功明遠獻頌亦無關於主德如斯謬體非
臣敢出誠以畫乾坤繪日月祇飾厥文鋪鴻藻
信景燦正列其義云爾謹作頌曰

天佑我

清啟我

聖主如天之不息丕冒區宇長世樹德言念

皇祖於鑠

皇祖鸞旂淠淠六至南土勉勉我

皇繩

皇祖之武

祖武是繩大猷是經

帝謂我南邦如屋建瓴有河有淮洎彼江湄怒浪如
霆浙江之濤接乎滄溟惟

帝念茲奠斯民以寧乃

命大人五繇習吉乃啟乃行乃警乃蹕日雨而沐日

風而櫛

聖躬勞矣不遑暇逸侯不愛逸爲我家室我有家室
皇旣奠之又從而眷之我有疆里

皇旣甸之又從治繕之昔以爲險緊灌漑徧也緊魚
鹽羨也

帝力何有舞且怵也決川距海濬畎澮距川芒芒禹
蹟千古在焉我

皇明德拯敝補偏以

聖揆聖令聞後先恩從風翱德與和宣原隰旣平雨

陽時若高田多黍卑田多穀三年之耕九年之蓄豐
年穰穰樂我邦族噫嘻乎豐年

天子之福

帝不自居上之

聖母至哉坤元

懿德敦厚

純禧是膺敷錫九有侯以報之願

聖母壽如川方增如山如阜

至孝衍和

慈淑流慶

變興至止壤歌衢詠懷柔百神水土以正上下格被
姚媯媯盛永永萬年詠

仁戴

聖